

Teguran secara Halus dan Berkias



Manusia ialah organisma yang hidup bermasyarakat. Oleh hal yang demikian, kita terikat oleh pelbagai pantang larang, norma, adat dan undang-undang dalam masyarakat. Hal sedemikian bertujuan untuk memelihara keutuhan dan kesatuan masyarakat daripada dirobak-rabikkan oleh pelbagai cabaran dan dugaan yang melandanya.

Teguran mungkin disampaikan secara nyata dan keras atau secara halus dan berhemah. Dalam hal ini, kita biasanya memilih cara yang halus dan sopan untuk mengelakkan tercetusnya perbalahan dan huru-hara. Oleh itu, ada kalanya peribahasa menjadi pilihan kita.

Teguran, sindiran atau peringatan daripada peribahasa meliputi segala spektrum kehidupan. Dari segi perbelanjaan, terdapat teguran seperti yang berikut:

Bil.	Sifat Negatif	Peribahasa
1.	Boros	besar pasak daripada tiang
		besar periuk, besar keraknya
		gunung yang tinggi akan runtuh jika setiap hari digali
2.	Kedekut	air mudik sungai, semua teluk diranai
		genggam air tak tiris
3.	Banyak berhutang	tangkai jeriᅡg
		bagai udang tahi di kepala
		berhutang selilit pinggang
		gali lubang timbus lubang

Bagi orang yang tidak mengenang budi atau membalas kebaikan dengan kejahatan, terdapat peribahasa seperti yang berikut:

Bil.	Sifat Negatif	Peribahasa
1.	Tidak mengenang budi	bagai kacang melupakan kulit
		bagai ulat melupakan daun
		habis manis sepah dibuang
2.	Membalas kebaikan dengan kejahatan	air susu (santan) dibalas dengan air tuba
		melepaskan anjing tersepit

Bagi orang yang mudah dipengaruhi atau bertindak secara terburu-buru, mereka dikaitkan dengan peribahasa seperti yang berikut:

Bil.	Sifat Negatif	Peribahasa
1	Tidak berpendirian	bagai pimping di lereng
		bagai pancang digoncang arus
		bagai panji-panji, ditiup angin berkibar-kibaran
		bagai embun di atas daun
		hati bagai baling-baling
2.	Menurut kehendak orang	bagai jawi ditarik keluan
		bagai kerbau dicucuk hidung
		pak turut
		dengar cakap enggang, makan buah beluluk, dengar cakap orang, terjun masuk lubuk
3.	Mengikut nafsu	ikut hati mati, ikut rasa binasa, ikut mata leta
		ingat sebelum kena, jimat sebelum habis
		sesal dahulu pendapatan, sesal kemudian tidak berguna
4.	Terburu-buru	sudah terhantuk baru tengadah
		deras datang dalam kena
		harapkan guntur di langit, air di tempayan dicurahkan
5.	Gemar meniru	burung terbang dipipiskan lada
		ikan lagi di laut, lada garam sudah di sengkalan
		gajah berak besar, kancil hendak berak besar juga, akhirnya kebebasan juga

Bagi orang yang tidak sedar akan kelemahan atau kekurangan dirinya, atau gemar mencera orang lain, terdapat peribahasa seperti yang berikut:

Bil.	Sifat Negatif	Peribahasa
1.	Tidak sedar akan diri	kokok berderai-derai, ekor bergelumang tahi
2.	Gemar mencela orang lain	bicarakan rumput di halaman orang, di halaman sendiri rumput sampai di kaki tangga
		kuman di sebarang lautan tampak, gajah di pelupuk mata tidak tampak
		cium tapak tangan, berbaukah atau tidak

Bagi orang yang jahat atau yang tersilap, ada juga peribahasanya seperti yang berikut:

Bil.	Sifat Negatif	Peribahasa
1	Bersifat jahat	seperti anjing kepala busuk
2	Tidak serik	bagai ulat nangka terhempas ke batu
3.	Tidak malu	hati bagai pelepah, jantung bagai jantung pisang, telinga bagai telinga rawah
4.	Mendapat balasan	bagaimana ditanam, begitulah dituai
		bermain air basah, bermain api letup, bermain pisau luka
		kaki tertarung inai padahannya, mulut terdorong emas padahannya
5.	Suka menunjuk-nunjuk atau berbangga	ditanaknya segala berasnya
		gedang sebagai dilambuk-lambuk, tinggi sebagai dijunjung
		seperti durian menunjukkan pangsa

Bagi orang yang lambat bertindak atau bertindak setelah sesuatu terjadi, ada juga peribahasanya. Sila lihat peribahasa contoh yang berikut:

Bil.	Sifat Negatif	Peribahasa
1	Lambat bertindak	di mana tumbuh, di situ disiang
2.	Berungut sesudah sesuatu siap	rumah siap pahat berbunyi

Bagi orang yang berbuat khianat, teguran terhadap mereka dinyatakan seperti yang berikut:



Dalam pergaulan, berhati-hati terhadap kawan yang seperti gunting dalam lipatan.

Bil.	Sifat Negatif	Peribahasa
1.	Mengkianati kawan	gunting dalam lipatan musuh dalam selimut
2.	Mengkianati amanah	harapkan pagar, pagar makan padi harapkan sokong, sokong membawa rebah

Satu perkara yang menonjol ialah terdapatnya peribahasa yang secara khususnya merujuk kelemahan kaum wanita. Hal ini berlaku demikian mungkin kerana masyarakat menaruh harapan yang tinggi agar wanita menjaga perangnya, atau disebabkan tempas prejudis masyarakat pada zaman dahulu terhadap kaum wanita. Sila lihat contoh yang berikut:

Bil.	Sifat Negatif	Peribahasa
1.	Bersifat negatif	bagai gadis sudah berlaki seperti lebah, mulut bawa madu, pantat bawa sengat

2.	Kehilangan kesucian	bagai kelapa ditebuk tupai bagai labu ditebuk tikus bersalai tidak berapi bagai janda belum berlaki
3.	Membising	terjerit-jerit bagai kucing biang
4.	Menghabiskan wang lelaki	pisau cukur
5.	Mencari lelaki	lesung mencari antan perigi mencari timba sambal mencari sigai sigai mencari enau

Himpunan contoh peribahasa seperti yang dipaparkan ini menggambarkan imaginasi dan kreativiti masyarakat pada zaman dahulu, di samping kebijaksanaan ahlinya untuk membetulkan sesuatu perbuatan yang pincang dan songsang dengan cara yang lebih diplomatik. Dengan hal demikian, kesilapan yang berlaku akan dapat dibetulkan dalam suasana yang harmoni lagi sempurna. **PE**